

封邱縣續志卷十五

人物略

略二

鄉宦

人物略一

清

王民字熙臯號靜修大岸王九我子六歲失怙祖賡和撫之刻勵讀書夜以繼日以乃祖卸世家務紛繁未得成其大志雍正元年援例入成均考授直隸州同知以河員用庚戌署山東濟甯州上河水利事例無養廉前官資於夫食之羨與一切器具之餘民至悉以歸公一毫莫取其聞背多修蓋舖戶及往來寄居者或請驅逐以便啟閉民曰向來無礙公事曷為借端滋擾耶遂罷其請運河同知某君嘗委運糧銀交兌藩庫於額數外發添打銀五十兩

封邱縣續志

卷十五

人物略 鄉宦

一

開封新豫印刷所承印

民兌足額數卽以其餘交還後署東昌水利其盡職一如在濟當督守荆河口時厥山險峻夙夜奔走護視雖疾風暴雨不少懈或以為勞民曰吾分也豈敢愛身以遺數千百人漂沒憂乎時對岸挑引河民承挑八十餘丈自券夫役重勞百姓視他人費減十分之三四而工先告竣以故諸上憲知民勤幹方思薦之朝廷俾得大用而竟告老回籍民性至孝每以不克奉父為恨歲祭祀輒嗚咽不能作聲且好施予稱貸不償者率焚券婚嫁喪葬為難者輒周濟子夢叶官湖北潛江縣扶民之任戒之曰清慎勤官箴之要當時時服膺此語

本桐城進士張若本撰傳纂

王揆字揆一號愨齋雍正十年孝廉乾隆十八年奉部捷取赴都門時安徽請揀發人員挑中發往試用抵安慶撫委放振宿州各員分派地方月振一次

屆日領振不到卽扣除僕隸特索攔阻以圖分肥揆察其弊使隨到隨領設不到下次准補賑完委署霍縣旋卸二十年水淹數十州縣撫委查勘鳳陽泗州水災至天長藩委查放該縣振務揆分極貧次貧兩種極貧先加撫恤較次貧多一賑不使一夫失所賑完委署潁州府糧捕通判丙子爲鄉試同考官上憲以揆外朴實而內精明委署池州府江防同知帶印督理鳳陽懷遠兩縣賑務其查放之善仍如天長又委署全椒縣旣而實受黟縣事較繁多信風水爭墳山揆盡爲之斷結有婺源縣查余二姓爭墳地傷人命審斷未明查姓上控上憲委揆勘問乃按地畝魚鱗冊丈量的係查姓墳爲余姓強占葬棺據實以詳竟爲後官盡翻前案揆看時勢不利因告職

本王氏家譜纂

郭廷翊字醒園坡而里人嘉慶癸酉領鄉薦學問淵博制行廉謹道光七年官

封邱縣續志

卷十五 人物略 鄉宦

二

開封新豫印刷所承印

鄆陵縣教諭甫下車卽倡諸生脩忠義祠數月廟貌一新又輸俸增製學宮禮器曾署開封府教授事鄆陵縣志列有宦績

本採訪及鄆陵志纂

邊其晉字楚材號退齋青藜長子道光壬辰科副榜選授登封教諭因河工出力薦保廣東英德縣知縣丁未二月赴任英德民俗強悍素稱難治聞謝司馬着船至白石澗被劫卽時親率船勇開砲拒之斃數十人而賊砲中晉船藥櫃火轟船壞又督別船進攻擊沉賊船一隻獲匪首歐陽崩鷄三十餘人溺水死者不計其數全股悉平己酉春英人分道侵粵人心惶惶晉奉委襄辦洋務七月祖母棄養聞之哀毀異常繼因洋務平靖制憲擬保升留粵補用不肯署名交代清結星夜旋里急營窀穸哀禮兼盡癸亥春入都投供四月選授廣西藤縣知縣抵任見衙署廟宇無一存者居民尤屬寥寥四鄉多

爲賊所盤踞誓以恢復地方爲己任於是訪民生之休戚詢地方之利弊覽山川之形勢審進退之機宜散脅從之羽翼壯軍容之聲威募勇丁集團練剴切示諭真心投誠者恕之予以自新負固不悛者剿之殺之無赦每戰必身先士卒親冒矢石軍士皆奮不顧身爭先陷陣救出難民男女數千餘人又約束練勇秋毫無犯是以先聲奪人戰無不克獨三吉大岸剩表三賊寨尤爲堅險前任知縣宋陳兩明府皆遇害官軍攻之三年不克晉迺激勵將士勉以忠義親督進攻三寨悉平蒙上憲專摺保奏奉旨賞戴花翎加四品銜外寇肅清尤極力整頓內治興利除弊起廢補亡縣志燬於兵燹片板無存迺博爲採訪親加考訂期年刊竣又將縣署捕衙文廟武廟書院義學次第重修復籌款延請山長主講樹人經古兩書院培植人材文風大振嗣因

積勞成疾力辭瓜代去之日父老遮道攀轅依依不舍晉亦潛然泣下及抵里仔肩頓謝體健漸復一時名儒碩彥博古通今之士多執贄門下樂受裁成以故登虎榜膺鸚薦者指不勝屈著有陔蘭課藝蔗林試帖蓮心香餘詩鈔家規學規要言靖海秘計兵政心籌等書光緒十一年壽七十有六卒

本邊

氏家
乘纂

姜承惠字蔭甫號荷軒封邱留宜社姜莊村人咸豐戊午科以優貢中本省鄉試爲人質直尙氣節咸豐初李文清公主講河朔書院承惠從之遊爲文有豪氣文清公器重之因得見知於毛文達公昶熙十一年辛酉河南捻匪趨鞏洛秦晉皆驚毛以府丞總河南團練延入幕文達公勦捻有功一切規劃姜尤爲出力蒙防河大臣保奏奉旨以知縣分發補用同治四年乙丑會試

後在部呈請掣籤原籤廣東以親老告近改掣陝西九月引見奉旨領照發往陝西五年正月到省四月奉藩司林委專管涇州糧台分局支發銀錢事姜潔已奉公辦理得宜六年臘月以功委署延安府延川縣知縣時值回逆滋亂甫退隴境大兵西勦絡繹不絕差徭繁浩民不聊生姜以肆應才寓慈祥心周旋將士結歡勇丁是以閭閻幾不知有兵車之苦翌年春初賊復竄境逼近城垣姜復率衆登陴日夜輪巡未嘗稍懈城得無恙又兵燹之餘潰勇肆擾更爲設法驅逐潛消禍患民又賴以安堵朝廷以守城功加同知銜縣民戴德額曰恩同再造八年六月以親老告養憂勞之餘因得目疾光緒二年卒於家時年四十有九

本來
稿纂

吳蔭恩字效先號榮卿先世爲滑籍至高祖乃謙始遷封邱之山莊遂爲封邱

封邱縣續志

卷十五

人物略

鄉宦

四

開封新豫印刷所承印

人父殿元母張氏生蔭恩一人幼卽英異絕倫讀書善記而無忘弱冠補祥邑博士弟子旋食餼蔭恩素志高尚不屑小就乃肄業大梁書院試輒冠其曹尋丁外艱家居讀禮事母以孝聞旣服闋仍入汴肄業冀獲一雋以光門閭迺以數奇屢舉不第至光緒丁亥以恩貢選雒陽訓導雒爲古名勝地亦四方文人薈萃所司鐸非得名賢不足以鎮之蔭恩之任適與本邑孝廉何家琪同司教職日坐皋比於諸生講習討論薰陶鼓舞而命耳提循循善誘凡所以養育人材造就後學者靡所不至甫二載東京文化煥然復起英才輩出一時之士掇巍科登顯仕者指不勝屈至若翰院之林東郊孝廉之白長庚袁宣師輩則尤其門下受業之士在雒九年夙夜匪懈克盡厥職至光緒乙未復以辦賑出力加六品銜保薦知縣歸部銓選逢特恩授承德郎次

年春卒於官次

本黃蔭枏
為譚傳纂

邊祖恭字子允號安卿退齋三子幼承家學勵志讀書弱冠遊泮每試輒冠其儔同治壬戌恩科登公車計偕入春闈屢試報罷庚午以郎中供職農曹甲午改知州光緒甲申選授雲南安寧州以親老告近除順天霸州七月丁外艱服闋報供己丑除陝西葭州之任值歲饑人心浮動綏榆游匪尤從而煽惑之飢民嘯聚其勢岌岌迺懲首惡解脅從積穀賑貧全活無算地方賴以安謐癸巳夏調署隴州隴為陝右門戶防範稍疏則覬覦易生祖恭又為之築堡寨繕城郭倡團練凡險要所在備無不周更值大軍過境回民惶惶欲為變賴祖恭明以喻之信以格之羣疑既釋始得轉危為安上憲廉知其幹濟保舉花翎運同銜丁酉六月委辦潼關釐金八月調署華州華為五省通

封邱縣續志

卷十五

人物略 鄉宦

五

開封新豫印刷所承印

衢差徭繁劇素稱難治兼以刀匪出沒據為淵藪殺人越貨無日無之祖恭乃捕首匪置諸法而民自安堵州西過仙橋孔道也河淤橋圯行旅為苦復修而葺之疏而通之其患遂除以卓異保荐加三品銜奉旨候陞庚子恭逢覃恩誥授中議大夫嗣因時局不靖喟然歎曰宦海茫茫而如彼世局滔滔而若此急流勇退此其時也遂絕意仕進在地方提倡諸公益修城池組商會增築護城堤皆首先稟請領導紳董竭力籌辦以固一方之保障民國十一年九月卒壽八十有一

本邊氏
家乘纂

謝墀字崇雨陳道人性勇敢慷慨有大略宣統辛亥受密令辦河南革命事與諸同人伏身汴垣師範學校以圖進取後為清有司所知派隊圍勦謝潛跡河北方得不死及清社屋屢任政財軍界各要職壬戌之秋知西華縣事適

值魯匪破城之後餘氛猶熾全縣騷然亂將復起謝措之裕如寬猛兼施未至數月政新民歸旋被調省次年春復任知修武縣事行至鄭州以暴病歿於旅舍年僅三十有八

本范允文爲
建紀念碑纂

杜扶東安上集人幼而岐嶷舉動異常凝重七八歲隨父醒吾在修武縣署讀書命習千家詩帖括賦均不喜見縣官用刑訊心甚不平十三歲復隨至鹿邑初學英文看上海時務報見揚州十日記嘉定屠城記心尤憤慨遂有推翻滿清之志又見政府腐敗朝野士夫安守故常不知改革外國科學發達一日千里將來必至相形見絀此時欲培植人才啟發民智非開辦學校不爲功杜之富有革命思想自此始矣年十五考入河南大學堂榜名振亞字扶東卽積極宣傳革命聯合同志曾可樓程仲漁王北方劉熙亭諸君在校

一年演說革命被開除遂北走天津改名潛入北洋大學仍鼓吹革命得同學孫文明天姿英邁以爲日後可担負革命重任者必此人也斯時在日本河南留學生來函願贖資邀其赴日留學杜雅重孫遂舉孫以自代改名鐘入日航海學校是秋杜以官費赴日習法政值孫中山黃克強兩先生在東京組織同盟會杜與曾程同參加旋與湖南宋教仁滄州張溥泉廣東胡漢民汪兆銘及河南曾程等組民報社在東京出版提倡民族主義宣傳革命鎮南關黃花岡諸役均參加計劃汪之炸攝政王載灃也杜亦與謀汪時任同盟會評議部長回國執行職務公推杜承其乏英商福公司光緒二十一年在豫北焦作開鑛採煤豫當局劃黃河以北懷慶左右諸山爲鑛區留日同學認爲喪權辱國卽推杜及王印川回豫爭鑛孫中山命杜兼組豫同盟

會河南支部卽以爲支部長到汴介紹新蔡劉粹軒閻子固鞏縣劉雪亞汲縣趙伯階入黨成立支部此爲河南革命之始是年復返東京適商啟予至自奉天傾吐胸懷相見恨晚遂介入會並請商回豫密結同志待機發動清未葉留東同學因取締風潮多主張回國胡經武尤力嗣經杜多方譬解胡氏遂深爲贊同胡回湖北謀起事又舉程仲漁助之未幾同志劉家運被捕訊供胡亦受逮程復東渡泊宣統三年各省同志回各省圖大舉杜在東京法政畢業亦乘輪而返益見政府措置失當時機已至遂以密計授張鍾端劉粹軒等在汴組設機關復聯合山東丁惟汾在濟秘密進行斯時二劉與憨玉琨張治功王天縱等密爲聯絡以備隨時響應張鍾端在開封事敗被清軍所殺是年冬杜至濟南運動巡撫孫寶琦獨立孫畏罪復取銷杜不得

已赴滬會同陳其美克復上海遂組滬軍先鋒隊與粵浙兩軍會攻江寧公推黃克強爲大元帥黎元洪副之電請孫總理由美回國民元正月三日成立臨時政府杜奉總理手諭爲臨時秘書長旋奉命爲山東都督率滬軍八營粵軍一師海容海籌楚有三艦兼程前往首克煙台繼下登黃一帶山東巡防統領葉常勝抗禦一戰敗之遂進軍龍口清廷大震內閣大臣袁世凱奏請清帝下詔共和復委唐紹儀爲全權代表二月十二日清帝退位杜此時被河南諮議局選爲臨時參議院議員遂辭山東都督來京供職甫到京袁卽派趙秉鈞陸建章二人爲招待陸時任執法總長一見傾心深相結納同志有被陷害經杜保全甚多二次革命在上海南京活動均失敗派朱丹陞在豫皖組淮上軍又爲張鎮芳所殺民三陸督理陝西軍務邀杜任軍法

課課長民五隨陸回京黎元洪爲總統恢復國會仍充議員張勳復辟徐樹
錚倪嗣冲密召各省督軍代表在蚌埠響應事爲陸所聞卽召集陳光遠李
達元馮玉祥會議討伐陸恐勢孤請杜密往江西商請督軍李純援助未幾
復辟軍敗潰民七段祺瑞屢令十六旅援湘杜乃與陸馮密議久留浦口不
如以援湘爲名出其不意佔據安慶師遂西上至武穴屯軍不發又往滬籌
款與譚組菴岑春煊接洽以五萬元犒軍并約山西景梅九安徽常恆芳相
助獨立通電出北軍以四師之衆壓迫武穴而內部不一致陸北旋天津遂
爲徐樹錚暗殺杜赴廣東護法參加非常國會陳炯明叛國會遷蜀遂北歸
民十三回豫調停胡憨之戰民十六黨軍北伐進佔駐馬店馮玉祥師出潼
關次洛陽時張學良駐鄭州杜以別動隊夜襲張司令部張與韓麟春夤夜
北退東西兩綫十餘萬奉軍悉潰敗馮遂與唐生智劉興張發奎會師於鄭
而汴亦下馮命爲獨立第一師師長杜固辭以其衆交王海門一人入第八
方面軍劉雪亞幕參加戎機凡疑難大計惟杜言是從是年冬劉君被困考
城孤守兩月杜出奇計突出重圍未幾渡河襲取長濮大等縣北抵京津杜
奉命駐霸頭鞏固河防兼領河務局民十九馮同閻錫山與蔣介石政見不
合中原不幸重罹兵劫張伯英以中原大計說蔣蔣動容當時杜在平津秘
密工作盡以北方虛實告張蔣所以屢敗不退者蓋以盡知閻馮内幕也軍
事定張任河南民政廳長二十路總指揮及振務會主席杜被邀代主振務
時豫值兵燹之後地方極待拯救杜籌募救濟不遺餘力二十年復被水災
受害七十餘縣洛伊沙潁淮等河流同時潰決經百方呼籲乞振中央政府

遂撥振糧二百餘噸分配洛伊沙穎淮諸河及各縣災區派楊子功駐鄭主辦其事國振會又撥振款十餘萬滬慈善團體立募鉅款派員來豫散放至今民被其澤又在汴鄭成立災童教養院豫南災童收養所是年夏秋之交潼關以東發生虎疫又設全省防疫處二十三年黃河決口又設立黃災婦孺救濟會數年間籌募振款三百餘萬全活災黎無算現任焦作中福公司

董事

本柘城韓葆謙
爲撰事略纂

張鳴珂字曉鸞油房人幼穎異博學能文十八入邑庠翌年取高等食餼二十一學使舉優行共和二年京師國立法政專門學校畢業歷任河南高等檢察廳檢察官開封洛陽等處地方檢察廳檢察官河南吏治調查所調查員所至均能實事求是無忝厥職嗣以辦理地方振務暨勸辦修築銅瓦廂堤

封邱縣續志

卷十五

人物略

鄉宦

九

開封新豫印刷所承印

工卓著勤勞蒙大吏保以縣知事分發直隸仍留豫省任用并獎以七等嘉禾章鳴珂孝友成性又復慷慨好義凡桑梓災祲無不竭力拯救而必先自捐輸以爲之倡當任洛陽檢察官時接母病快函立即請假旋里抵里睹母病狀決意辭職書再三上方准而母竟病數月而逝從此絕意仕進閉戶讀書民國九年鄉人以鳴珂慈祥公正公選爲第三屆省議會議員於地方興利除弊防患振災諸事無不據理力爭讜言正議羣相佩服十一年五月馮趙鄭州之役潰兵繞黃河橋順流而下至陳留口登岸屯聚貫台數日附近數十村擾掠不堪鳴珂長兄季弟均被擄勒贖家亦被搶蕩然一空鳴珂痛心手足四出籌貲道途奔波告貸艱苦生平困境無逾於是者幸兄弟先後贖回鳴珂之心大慰每遇旱荒水患鳴珂請政府救濟外遠近災民過境者

無不備般設粥力爲拯救就食就居門庭如市家人好善習以爲常從未稍形厭煩古所謂鍾離子代王養民無以過也二十四年河決店集口災苦甚於往昔籌振更難數倍鳴珂睹此鉅劫寢饋難安商請縣長先借倉穀施放尅日成立合作社貸國幣七萬元悉心措置子遺賴以不死鳴珂之力也封邱地濱大河決口屢屢成災鳴珂遇災卽籌振是以全活無算鄉人感戴每欲建石頌德鳴珂堅辭不受衆尤高之邑志修自清康熙初迄今歷二百餘載未經續脩鳴珂恐文獻失考正擬提倡續脩適大府檄促乃成立縣志館公推鳴珂爲館長卽籌款延聘通儒開館纂脩中因兵事兩次停頓終賴毅力卒底於成二十五年因積勞病故邑人惜焉子二世驥河南大學畢業任

本校助教世驥中正中學肄業

本許鈞爲撰事略纂

封邱縣續志

卷十五

人物略

鄉宦

十

開封新豫印刷所承印

石如璧東孟莊廩貢清康熙三十九年以博學任彰德府臨彰縣訓導課士殷勤立身清正士民德之於其以病去官之日哭送數里臨人至今談之猶景

仰不忘云

補遺 見臨彰縣志

孝友

人物略二

清

萇芬字芳洲號復庵廩膳生幼失怙恃事繼母以孝聞冠後與母異室而居遇迅雷烈風急雨必奔母室侍之雷雨止詢母曰得毋驚長年乎母曰否色始定及母卒哀毀之狀不異所生每當晨夜輒悲不忘孺慕終身如一日弱冠入廩以數奇屢薦不雋五旬餘始食餼遂絕意進取設館授徒殷殷教誨爲學博覽經史究聖賢之精蘊考古今之得失陰陽之道性命之旨以及律呂

奧窔字學之淵源靡不究極而無遺嘗曰聖賢只一道古今無異理惟格致
功深始能識此又曰爲學貴步步踏着實地故其存心以古人爲準的以體
驗爲功夫一時從遊濟濟多士載酒問奇戶限爲穿更精詩文每一藝成士
林輒傳誦之年屆古稀猶耳聰目明不異少壯一日集諸子囑後事端坐而
逝門人哀慕私以仁孝謚之集其所著格言名曰仁孝語錄彙其所著詩文
顏曰寶硯齋集其所手訂又有考古擇善編構窗瑣錄並傳於世

本
宸氏
家譜纂

高大知字哲生沙崗增生敏而好學經傳子史無所不讀字崇歐虞褚薛文宗
王唐歸胡遊泮後丁內艱以數奇祇食餼未掄魁繼母陳教家嚴肅高晨夕
奉事益加謹飭常有不順乎親不可爲子之意旣而母爲所感向家人曰吾
子眞純孝也宗族鄉黨亦無間言後因同居不便與胞弟大申大本析爨將

封邱縣續志

卷十五 人物略 孝友

十一

開封新豫印刷所承印

祖宗所遺田產讓多受寡茅屋僅可容身礲田差堪餬口以妻于歸時所折
妝奩錢買田數十畝勤儉搏節積少成多漸以殷實然富而好施濟厄周急
不可枚舉遇冬則舍衣食于鰥寡孤獨尤至意焉歲歉則出米出粟隣里親

族均霑其惠

本
高氏
家譜纂

趙大奎字星吾乾隆二十七年戊子科武舉事父母以孝聞每侍側進食飲視
啖之多寡爲喜懼及歿哀慟動鄰里嘉慶四年邑被水災奎子全義捐穀千

二百石助賑

本
通
志纂

邊永平字常太以農爲業弱冠失怙未學問而天性篤摯事孀母凡飲食起居
定省溫清之節雖嫻於禮者弗之過道光二年母臥病親侍湯藥未嘗暫離
及病重母日一飯亦一飯母日不食亦不食久不愈乃夜禱於神祈以身代

母果愈又七年母以老壽終享年九十有二然猶晝夜啜泣痛不欲生人勸以母死未殯不宜滅性始節哀進食嗣是設靈位出必告入必而食必獻一如母存時齊衰五年猶不除服人或問之曰吾少失怙不知人事以爲猶有母存也今母亡吾無歸矣語畢淚涔涔如雨其族紳青藜曾爲立孝子傳

載於族譜

見邊氏家乘

范興詩咸豐時青堆貧家子也奉親以孝聞爲母病終身不茹暈酒且習爲醫

活人無算卹貧周急望重閭里

見採訪

班重縣東王村人也幼有至性父歿時尚少家貧恃舌耕力作以養母膳必視寢必問下氣柔聲終日無疾言遽色病則湯藥必嘗而後進執爨供食滌溺諸瑣事皆躬親之母歿哀毀骨立爲孺子泣勺水不入口者數日葬後廬墓

封邱縣續志

卷十五 人物略 孝友

十二

開封新豫印刷所承印

以守三年不除服不薙髮面垢不洗衣垢不濯繼縷若乞丐然咸豐十一年髮捻北來大江南北諸行省強半爲其所據清京營及各省行營拒敵之兵往來恆絡繹不絕時有某營自北而南經過封遊騎見班髮蓬蓬四垂疑爲髮匪擁之去及官長詢之迺孝子也慰而遣之

見採訪

葛芳字香遠寺上人性孝友甫受書卽嗜學如不及古道自處不謀榮利座右常置名賢格言自勉終其身於昆弟親族中無間言壽七十卒

本該氏家乘

張武功黃陵集候選巡檢性忠厚且孝友仁慈喜讀書設塾延師培養人才無倦意年八十有三妻八十有五壽徵齊眉五世同居孫星燦廩生星潤歲貢吏部掣簽本省候補縣丞入民國曾充開封教育局委員著有詩文集曾孫景鷺文生本省巡撫裕寬爲之題旌頒發絹銀等賜並獎七業衍慶匾額云

本採
訪

任樹恩字東屏邑東黃陵集人父松灣庠生早卒世父敬亭撫之成立愛之如子樹恩亦事之如父敬亭邑廩貢生學有根柢爲時名下士樹恩從之讀故其爲學不役役於章句之末以三德六行爲準的以躬行實踐爲歸宿胞兄弟三人堂兄弟十有一人二弟棠恩字芾村每試輒取前茅卒未博一衿後以納粟入成均尋逝三弟桂恩字月亭邑庠生今已七十有九皤然一白髮翁也四弟錫恩字寵璋敬亭長男也有異稟少知名才高學博有邁往不屑之韻然未免文舉鋒芒太露卒以落魄不遇狂於酒而齎志以歿可惜也任家食指五十餘計終歲所入復以舌畊所得補之仍不敷用故衣食常不裕如然任氏昆仲衣必同筇食必同案推棗讓梨壘篋和奏相對怡怡大有萬

封邱縣續志

卷十五 人物略 孝友

十二

開封新豫印刷所承印

石君家遺風焉任一生功名坎坷年逾古稀始與其胞侄景運同入開封邑庠一則龐眉皓首一則羣屐翩翩一時同人傳爲佳話鄉人羨其品格之高家風之古共以孝友遺型扁額表其閭門云

本黃蔭柎爲
課事略纂

時順字巽齋一號正之歲貢生性仁厚好讀書嘗佐父耘田暇卽披吟古人帶經而鋤此之謂與年二十二採芹二十六食餼家無厚資全賴舌耕而教訓生徒循循善誘四方學者爭師之其弟子身列膠庠者指不勝屈豈知命途多舛秋闈屢荐未獲一雋同治七年流寇逼近城郭因守城有功蒙恩獎六品頂戴其父棟生性剛直慷慨樂施拯難濟急恆解囊助之不惜更有人所難能者有安徽潁川坡駱駝醫姓尹名國全攜子成行醫於此不幸國全病故其子幼小又舉目無親惟有號泣慟哭而已棟生憐之代買棺木假地以

葬又自備資斧送其子旋里此道光二十年庚子春三月事也是時棟生年三十六歲尙無子嗣次年正月子順生或疑爲尹國全後身報其德也一唱百和吾謂不然易云作善降祥理固然耳棟生年老得一癱瘓疾順事奉衣不解帶湯藥親嘗雖履年餘如一日焉其父被褥污辱親爲滌濯家人請代不許也嗣後棟生夫婦相繼去世順於喪葬大事惟古禮是遵酒不飲葷不茹樂不聞者蓋五六年之久四鄉之中莫不稱爲仁人孝子焉且事其師王化南先生猶事其父沒後心喪三年至今猶嘖嘖人口光緒丁亥明經獲選著有家範輯覽等書以訓子弟五十歲以恙終

本李崑玉
爲撰傳纂

石印川字月波邑東五里之孟莊望族也父超如監生性好施前縣令駱公曾給仗義疏財扁額因伯兄均早喪乏嗣遂以印川後焉印川生而篤厚有至

性事其伯母一如事其所生鄉里以孝聞家素小康自其曾祖理歷其祖文秀暨其伯父均皆好善樂施累世種德及印川而益光大之印川幼承家訓稍長就外傳卽從拔貢黃景召遊其叔若父以已素業農本欲博一第以光門閭第印川學雖勤而質頗鈍復限於文章憎命每試雖列前茅而卒未獲一雋以納粟貢成均終焉可嘆也然其克承先志讀書之心愈摯因以前人之望已者望其子孫生子一名韞玉字潤生稍長復從黃景召先生讀試亦屢次仍落孫山之外無己因以把總就武職曾充本縣農會保安隊清鄉局保衛團巡緝隊等長暨旅部參謀稅務顧問諸職長孫名錫恩字湛甫本省法政學校畢業後復考取承審員及縣長歷任滎陽鄆陵新鄉等承審員兼理縣知事所至有聲現供職偃師次錫嘏字子純農校畢業曾充本縣建設

局局長次錫祺字壽卿訓練班畢業曾充督軍署副官及本縣保安隊隊長現充新鄉縣警察隊長次錫珍字聘三本省師範畢業前任本邑教育局長民國十六年創辦師範學校躬親教之生徒滿堂已畢業數班成效卓著次錫九醫學畢業現充本縣平民醫院院長曾孫長庭訓河南專門職業學校畢業次庭芝本縣師範畢業次庭桂本縣初中學校肄業衆贈燕山媲美德額皆印川尊儒重道積德累仁有以遺之

本黃蔭枏
爲撰傳纂

李香山孝子也住城東三十里之小李莊邑增生令選冢子生有至性純厚若愚幼從父讀書見禮記孝經卽手不忍釋年十九完婚妻張氏亦大家女素嫻禮節更以事親盡孝相勸勉夫婦志同孝養益篤不意其父年未六十遽爾逝世香山當父病時延醫祈禱無所不至藥必親嘗湯必親進目不交睫

封邱縣續志

卷十五

人物略

孝友

十五

開封新豫印刷所承印

衣不解帶者三月如一日及其父卒香山一痛遂絕家人警駭失措少晉薑水漸回甦衆勸以母在宜保重身體以全孝道於是始加一餐及其父大殮之後朝夕宿於柩旁每飯必供一如事生旣葬廬於墓側葷腥不入口服制不去身卽嚴寒盛暑怪雨狂風不忍歸且跪禱曰兒在父母恐如是者又三年後其母得其奉養獲享大壽八十餘無病而逝香山亦如辦父大事云

本採

訪册
纂

黃鶴鳴字子和號九皋城內黃小街人少孤事孀母以孝聞性聰穎善記讀書能目下數行尤嗜學試輒冠其曹旣采芹旋食餼諸學使欲延操玉尺行將爲入幕賓矣黃皆以北堂萱老南陔蘭缺不忍離母遠遊辭謝之設帳訓禮義學依蘇湖教士法而坐皋比絕意仕進僅於光緒戊戌以明經貢太學終

焉黃秉性豪邁逸宕不羣喜交遊好筵客有鄭當時之風迺陳榻欲下而阮囊恆空三徑就荒二仲不來可若何爰藉元龍百尺之樓聊設司馬當爐之酒於是舊雨新雨少長咸集月夜花朝車馬盈門或擊鉢催詩或刻燭論文雖無低喝淺斟敲金戛玉之美而一觴一詠或歌或詈亦騷客之幽情而文人之雅況也年六十有三卒

本來
稿纂

劉長昭字孔卿清邑庠生小魯崗劉柱子庠生松之猶子也性耿介而恭謹簡靜寡言出言必中其事親以孝聞然其孝又有不可及者父兄弟四伯父松居長乏子父柱行四生子三長昭其仲子也長昭晉爲伯父松嗣伯父視長昭不啻已出長昭事伯父亦無異於生父其伯父晚年衰萎言語艱澁其所需卒不能言惟以指畫表示之長昭窺意觀色恆投其所好而得其歡心日

封邱縣續志

卷十五

人物略

孝友

十六

開封新豫印刷所承印

夜侍側凡飲食起居皆親身任之如是者數年弟長明與之析居後而家貧長昭衣食與共如同爨然亦人所難能其孝且友有如此者

本李岷玉爲
撰事略纂

汪梅字占魁邑庠生縣西北汪賈村人生有至性事父母以孝聞父祥嶺治家整飭梅幼讀書篤責維嚴書稍不熟卽呵叱隨之以故梅於六經四子稍長皆能成誦終身不忘事親能以色養平居視膳問安皆體貼入微親性雖嚴而常能得其歡心不幸祥嶺晚歲倏得癱瘓之症動作維艱時梅方在外課讀聞命卽辭館旋里左右就養百方調治卒不痊藥必先嘗食必躬進雖着衣納履結系甚至便溺滌圍諸瑣務亦親身任之不許他人代作衣垢忘濯面垢忘洗十三年如一日及祥嶺撒瑟乃痛不欲生饘粥不進者累日自大殮以至小祥盡哀盡誠節節準古禮以行之既葬後持喪三年春而怵惕秋

而悽愴雖麥飯豚蹄之進未嘗不涕淚沾裳也妻呂氏亦賢孝能博翁姑歡治家以勤持身以儉荆釵布裙舉案挽車有孟光少君之風焉長子紹先敦厚周慎有父風民國十六年秋因事赴縣歸見路旁有遺金百餘元姑拾之以待尋者後果有人來訪問係延津王堤賣油者所遺如數慨出璧還其人感激言厚報紹先笑却之次子紹祖字繩武清宣統己酉選拔民國北京法政學校畢業歷任信陽江蘇洛陽高等審判分廳書記官長

本黃蔭枏
為撰傳纂

民國

賈夢祥字良弼夢齡字松筠縣北街同胞伯仲也其父桐慷慨好義父子俱列成均咸豐末東匪擾封桐奉賂知縣文光命與練兵團以乃心公事目不交睫者經旬守城之時男女數羣逃至城根匪踵其後相距不過百步桐急絕

封邱縣續志

卷十五

人物略

孝友

十七

開封新豫印刷所承印

城而上繩不敷用解已腰帶繼之民衆得免於難事定駱令上功於大府以六品頂戴獎焉夢祥貌魁梧而性豪邁夢齡貌俊秀而才清逸其父桐因才施教令長習弓馬次事詩書文武競秀以求進取適光緒三年歲大饑斗米千錢人相食遂改而經商逐什一之利以瞻家口有餘則施諸親友之貧乏者伯仲雖居市廛而宅心仁厚一如平日是以富厚長者多樂與之交易財用日裕而周濟貧苦亦日篤有退職號友王某病故恆周其家其仁厚待人類如此伯仲性皆鯁直不苟同流俗終身未嘗作狹邪遊事親最孝桐卒喪葬一本於禮兄弟亦甚友愛善相勸過相規疾病痛癢相扶持情誼篤摯有姜氏大被遺風至於義方教子更爲他人所莫及子侄輩或涉荒嬉惰正事者無不喝責立加不少姑息必至其子侄長跪請罪而後已且均能子侄同

視慈愛督責不分親疎故其家庭之間內外雍肅男女老幼秩然有序詩云
貽厥孫謀以燕翼子此之謂與夢祥三子自修警官學校畢業歷任本縣警
察所巡官及所長與商會主席閭邑紳商立碑頌德嗣充密縣經征主任省
政府傳令獎爲各縣之冠四子彥修師範及林務訓練班畢業歷任本省財
政建設兩廳科員現任國民革命軍第二十路總部庶務主任夢齡子名潛
修法政專門畢業歷任本省稅務局長財政廳收發主任省政府秘書河南
官硝礦總局科長扶溝縣長現任沁博修官礦局局長孫毓棻自修出省立
五師畢業曾任本縣師範教員毓荃潛修子高中肄業生子鶴鳴四世同堂
孫女毓華彥修出省立女子師範畢業現肄業河南大學

本來
稿纂

葛之經字箱五寺上人性忠慎寡言語寓聰明于渾厚庸流恆以迂儒目之七

封邱縣續志

卷十五

人物略

孝友

十八

開封新豫印刷所承印

歲失怙母命入塾刻苦自勵童子試屢前列弱冠後以縣案元補博士弟子
旋食餼繼肄業大梁書院課藝每蒙厚獎迨學制更乃灰心仕進退守田園
事母至孝御弟極友尊卑親疏各適其義不僅朋友有信己也後舌耕於馬
村孫灣暨長垣之王辛莊劉口等村弟子多賴成立其學不厭教不倦至今
士猶稱道之常語人曰吾不願得萬貫產但願一生無愧作惜年祇強仕卽

化去云

本該氏
家乘

范景振字興雅生而岐嶷聰穎絕倫稍長研誦詩書尤工八法篤學好問鄉里
咸以紆青拖紫期之未幾其父清魁兩目昏翳龍鍾難行景振孝心純篤隨
輟學廢讀對於盲父起居坐臥寸步不離稍暇則效老萊子軼事將古今瑣
聞歡忭細述以怡親心數載之久未嘗懈怠迨至清魁病歿哀毀骨立痛不

欲生轉念慈母在堂煢子孀守缺乏孝恩乃節哀奉親倍加勤懇孜孜不倦其於鄰里之間接物應世無城府無宿諾鄉黨景其範型每遇訟爭得其片言無不解釋且素尚慈惠凡葭莩戚好因急告貸者必儘量資助惟恐不足並於本村創建小學培養人材其有髻鬣兒童乏力求學則設法補助使之上達且盡心公益慷慨輸財處事明敏縣長劉公委爲治安社長任職五旬頌聲盈耳年屆知命遽爾星沉傳播所及泫然流涕弟景泰和睦鄉黨克振家聲子錫三懸壺施醫鄉人咸謂橋梓韋平後先映輝世罕其匹乃贈疏高阮清匾額以資表揚焉

本來
稿纂

劉承曾祖籍魯父筱山流寓封邱因家焉母張氏縣北大馬寺人生女二子一子卽承曾性純孝貌溫和向無疾言厲色光緒三十四年秋筱山卒承曾方

封邱縣續志

卷十五

人物略

孝友

十九

開封新豫印刷所承印

幼小哀毀逾常見者爲動然家無恆產賴母氏針黹以養諸孤及承曾稍長入本邑染房習藝母則南走開封在木廠街傭工民國十年夏承曾往省母至夕值大雨宿於主人家午夜房傾竟被壓斃年僅二十三歲以無力運葬厝於開封南門外叢塚中人咸悲之

見採
訪

田岐瑞字肇祥邑東黑塔田人也性和藹好讀書弱冠遊泮以親老家貧遂設帳以供甘旨遊其門者實繁有徒一得薰陶類成知名士故一時書香大家爭先敦聘且宅心渾厚胸無城府與友居勸善規過與鄰處排難解紛皆一秉至公絕不黨同伐異父錫藩亦善士岐瑞聽命惟謹未敢稍拂及父病湯藥必嘗目不交睫者數日迨歿哀禮并盡猶深愧罔極未報時切風木之悲幸母董在堂八秩猶健岐瑞更竭力奉養以效老萊得承歡膝下也至民國

二十一年秋母忽無疾殞岐瑞痛而絕者再經多人百方勸慰始起勉行大事尋又河伯爲虐未得殯葬念茲之痛憂鬱日積于乙亥秋八月竟一病不起彌留之際直視親棺呻吟不已家人察其意屢祝之始瞑目而逝

見採訪

王廷楷字端甫王王村節孝馬氏仲嗣也性純篤幼穎慧少承家學壯卽採芹無諂無驕藹然可親其處家以孝聞其父誥去世時年甫六歲哀痛迫切父老警異及長常以不能事父爲遺憾是以於母之溫清定省固未有缺而荻畫之訓教誡之言又常書諸座右以作規臬焉及母病則衣不解帶湯藥親嘗夜輒籲天求代母卒一痛幾絕後經勸慰始行節哀乃遵制成服寢苦枕塊葬祭盡禮不御內不御樂不嘗葷牲者三年如一日每與親舊道及無父無母之慘則不禁潸然淚下也其孝行如此至於立身致行則尤以吃虧爲

本旨兄弟叔侄間能分多潤寡親戚故舊拯艱救患解衣推食不吝嗇不望報現年雖耄老猶康健逾壯者去

本來稿纂

謝玉亭字卓人節孝雷氏子也世居縣東陳道村及玉亭遷城內父早亡常以不逮奉爲大憾事母至孝光緒三年歲大稔流寓開州旣又傭工汴垣雖在貧困交迫中養親未嘗不周至自少而老從無一毫拂意處民國十年母病歿哀痛幾絕三年不如暈不衣裘後遇忌辰壽日節期必設祭中庭率家人拜跪必盡禮數十年無稍懈且心懷惻怛性好施與有許姓家貧假以五十金焚券不令償佛溶孤苦館之終身不使去又悲舊居小東關貧鄉也流亡蕭條不堪寓目差多徭繁時患拮据於是凡遇攤派小款代爲捐出大款先爲墊辦更於青黃不接隆冬沍寒年關急迫之時衡窮苦之輕重爲施與之

多寡與贍有十觔五觔之差與米有一斗五升之殊又以村子多失學民國十六年在該村先醫廟創立初級小學校開辦及延師經費一身任之顧謝非素豐甫脫凍餒即能若此以故關內人士四方紳民於民國二十年以雅望桑梓匾表其閭並置懿行屏以誌其德云

本謝氏家乘及採訪纂

任恤

人物略三

清

王夢麟字仁普歲貢生爲人淳朴勤謹自持治家有法待人
有禮凡族黨姻親以緩急告者莫不應給人或
以非禮相加絕不與較及有事干求則仍爲盡

力若盡忘前嫌云

本王氏家譜纂

葛曰欽字敬公監生曰正弟賦性孝弟能敦仁讓四齡失怙甫十八即能立門

封邱縣續志

卷十五

人物略

任恤

二十一

開封新豫印刷所承印

戶崇節儉不事紛華日以讀書爲事自秦漢而下以及宋儒諸子無不備覽事母晨昏定省甘旨弗缺其事兄長恭而有禮凡事必讓而心始安訓子女嚴而有體待童僕莊而能慈里有義舉知無不爲爲無不力有史姓拙於謀生既與之金又周之粟史得不死又某負伊四百金或勸其構之訟答曰財物有命得失在天人之負我命實主之過爲計較何益年五十有一卒易簣之夕取平生之負券悉焚之曰吾非市義不爲子孫遺爭端耳

本葛氏家譜纂

葛化茗字純如賦性豪邁處事慷慨周急濟貧傾囊不惜每鄰里有難解事聞其一言無不立釋其姊丈負於官在縲絏中葛以身任之脫其桎梏而姊丈得脫遠逸他方陷 囹圄鬻產以償毫無怨意時洪水甫退民迫飢寒狡焉思起邑宰委爲總練緝捕奸宄萬姓賴以安居太守聞其賢累辟不起築舍

村中鍵戶讀書勤樹藝有丈夫子七各習一藝家政肅然有鄧氏七業遺意比閭張邦彥欲以其義請旌耄曰吾行吾志豈以要名乎力止之鄉黨愈以

淳誠相許云

本葛氏家譜纂

張思德張素莊監生嘉慶二十三年黃河暴發幾破堤乃與張思齊等出資重脩圈堤五里高寬與舊堤等知縣馬際泰爲之請獎上以急公好義匾額旌

之見採訪冊

韋承瀛字仙洲韋城集人嘉慶十五年生性孝友甘澹泊好讀書不慕榮利年十九遊泮三十三食餼乙未領鄉薦大挑二等實授鄭州學正士皆響往之受課者百有餘人丁未捷禮圍庚戌欽點戶部主事兼管福建直隸司咸豐十年乞休還籍重鄉誼卹貧困初道光二十三年歲大饑曾開囊賑濟頌聲

封邱縣續志

卷十五

人物略

任恤

二十二

開封新豫印刷所承印

載道四方共獻匾額誠不愧一方之義士也

本採訪冊纂

李志仁東李莊廉人也道光十三年路拾光武鎮全盛號錢票千餘串完壁歸還分文不取邑令韓聞其行豎拾金不昧碑揚之

見採訪冊

侯建元馬村耆老性仁孝睦鄰里強暴欺凌絕不與較道光丁未歲大饑萬民嗷嗷朝不謀夕侯惻然憫之發積粟數十石名爲作價意實周急蓋恐力微供不給求未能徧及故出此耳鄰村人士得其救濟免分崩離析轉溝壑者不下數十百家及歲豐或堅執歸還不獲已乃不權子母出券盡與之故遐

邇感德勒石晉額以誌之

本該氏家乘纂

王蓮字希周監生性坦易於人無忤排難解紛不避嫌怨人有睚眦得其一言無不立釋故里黨咸景仰之咸豐辛酉東捻竄河西村焚廬舍掠財物僉議

築寨自衛以蓮素孚衆望請主其事蓮以年近古稀堅辭不獲乃令其長子身任之大事稟命瑣務悉從衆議經營合義派款適中有陳曲逆分肉之譽寨竣匪屢至衆寄以禦患者每千餘家處置妥帖無少參差同治八年於其歸窆之辰四方立碑以誌德行云

見採訪

韋恭先字敬亭仙洲猶子弱冠遊洋同治壬戌領鄉薦秉性剛直急公好義時巨匪張宗愚甚猖獗該處以距縣較遠恐罹不測韋慨然提倡築本集砦保衛一隅出囊相助不惜巨貲無數民命賴以安全共樹德行貞珉以誌義舉

本採訪冊纂

黃金臺字燕士封邱望族也居高產角村世有隱德家素不豐身兼耕讀未能專力於學年三十始補博士弟子員合族家事一村公事皆一身擔負清咸

封邱縣續志

卷十五 人物略 任恤

二十三

開封新豫印刷所承印

同間土匪蠭起到處搶劫駱知事文光徧諭各鄉紳士着令襄辦修城四鄉紳士輪流支差鄉民分段做工工竣勞多者賞給六品頂戴金臺與焉及同治戊辰捻匪竄入封境各村男女老幼盡逃入城以避賊鋒金臺與村中強壯在家看守無何賊突至逃避不及被賊驅逐自上午至夜三鼓始得脫難頻死者數矣及賊去官兵尾其後接戰於城東岳寨村清將郭葆昌以劫寨謀洩受傷賊亦東去清兵盤踞城中四出撻糧搜掠一空不得已議該處修寨自衛因舉金臺爲寨主鳩工庇材幾歷寒暑至同治三年而工甫竣近年來土匪猖獗封邱四境多被劫掠而該村獨得無虞者非燕士修寨之力何克臻此至光緒丁丑歲大饑人相食其同胞兩弟餬口他鄉次年秋大熟自外旋里家仍四壁加以姐適陳橋楊某妹適小魯崗王某家皆赤貧金臺悉

以二子舌耕所得分調之性孝友且仁慈養生送死悉本於禮自奉儉約而待人豐厚遇有鰥寡孤獨軫念尤甚晚年失明教子尤嚴迺以家貧至老不獲享一羊裘之煖而齋志以沒悲夫長子蔭棠另有事略次子蔭柎字子毓幼聆庭訓勵志讀書年弱冠卽補博士弟子性剛直晚歸和平爲文雄厚高古有奇氣勢如長江大海一瀉千里嘗遊學大梁與諸賢士大夫遊咸謂其伏取青紫易如拾芥不料文章憎命數奇不偶屢經鸚薦而竟不獲一雋窮達有命信哉旣以親老家貧內顧生憂不得已乃謀舌耕設教鄉里春風雨化作人實多封開兩境資以成名者不堪枚舉又常以德感人以財惠衆有此兩德頌聲雀起德行德教兩碑巍然矗立道旁信無愧矣今年已八十有四身猶強健不杖而行童顏鶴髮望而知爲積學碩士任縣志館主筆吮墨

揮毫臨文奔赴腕下所成諸稿多其筆削暇餘譚經說文賦詩源源本本層出不窮令人望之而莫能窺其津涯異日立傳文苑經學儒行殆將兼之皆

金臺深仁厚澤種德之所致云

本張鐘爲撰傳纂

高詠字頌齋東守宮村庠生慷慨好義扶危濟急每歲春冬盡力補助孤苦又

自設義學甄陶里中子弟而成全之故鄉人感戴敬畏視爲矜式

見採訪

齊平字坦然縣東八里齊寨人也性明敏善決斷狃涉詩書而事來先覺雖機警者莫之辨嘉慶八年衡工決口自大工斜及黃陵良田盡變流沙知縣全福呈准豁免受災差徭曾立碑和寨以記其事及後里胥爲奸更以支差病民相沿旣久小民益形不堪平與和寨李振瀛等察其弊乃呼籲上憲陳明舊例屢訴屢駁煞費經營一經五載案始得結終將沙地支差永遠革除亦

立碑於和寨村迨民國六年官產處成立委員誤指沙河地爲官產兩岸居民羣起呼籲以無左證卒未見允後將全令豁免差徭及平請准復免差徭兩碑文拓之呈請上憲方證明此地實爲民產平不惟齊和二村之保障亦沙河沿岸二十四村之福星也封邱糟米向歸里書征收借死亡逃戶之名邀請富戶攤派幫項賊蠹萬民愈演愈甚延至三十畝之下等戶亦受此累平仍出首擬剔積弊旋因衆志不協平卽先從己村入手於所有逃戶悉爲訪出地丁相符使村內多數住戶永免幫派之累本村西北兩而均隣沙灘又率衆植柳以蔽飛沙村人皆得盡力南畝無飢困之虞自後臨沙一帶咸矜式焉有子二長廣明多義行各界敬贈德額表其閭次廣和亦長者紳民

於民國二十五年又樹碑致頌云

本豁免差徭碑及齊氏家乘纂

封邱縣續志

卷十五

人物略

任恤

二十五

開封新豫印刷所承印

李青嵩字春山號曉嵐和寨耆老寶冢子生於道光二十九年甫四歲而母劉見背賴祖母朱及繼母陳懷抱成人童年讀書敏而好學長從歲貢宋東菑遊府縣試輒列前茅一時文人咸以遠到期之詎世傳忠厚人易侮謾家本寒微簞瓢屢空且二老在堂猶待以事仰足乃改入縣刑房學徒境使之然非所願也在官熱心公事矢勤矢慎未及數年卽充該房經承歷任知縣及同人皆以飛筆李相許以夙受侵凌故喜抑強扶弱每遇訟事必先力爲解勸使之罷歸而後已倘有強硬仗勢罔陷於人則必多方彌縫不使弱者蒙大冤如宗祖李景海表弟劉欽均以非罪繫入獄朝饔夕飧旣所供給又出首斡旋上下辨別終賴其力以脫險諸如此類不一而足某年以吏員當考授職而念親老難背遂讓其事於王河莊友人王道周嗣官山西巡檢卽其

替也且素整敕不苟同流俗已常粗衣蔬食而與祖母及叔父之喪葬則均竭盡其力他人雖以厚葬相譏亦所不顧對於家則凡弟妹婚嫁每年糧差糞土之貲均以身任不稍推諉家中日用不足設寶興油店生意初用匠人係開州籍寄居車廂之王順堂李待之甚厚薪金之外時加周濟王兄某爲一跛叟子均不孝後以食指過多將來時所買地畝墊賠幾盡李爲製地八十畝以資補助更不足又將其住宅場圃盡售於李李但出價完糧房室之居住田地之收入不問也迨王兄弟夫婦死子去不返始收其田產爲已有焉然身居公門而恥刀筆吏令子弟耕讀傳家業儒者爲之延名師業農者爲之講孝弟甚或親身作則勞苦不辭遇年假恆抽閑旋里課子弟讀嚴加督責不稍姑息子往省少涉案卷則戒曰我已誤矣爾輩不可再誤歸好讀

封邱縣續志

卷十五 人物略 任恤

二十六

開封新豫印刷所承印

書能使我爲書香人家卽佳子弟矣惜年祇五十有六先父母而逝

本採訪
冊纂

張銳字子剛張素莊人少有雋才光緒己丑登賢書明年應春官試報罷遂不求進取行善於鄉事關公益罔艱罔鉅任勞任怨務求適當以惠州里封邑舊納模糊錢於官模糊者無名可指官吏捏飾勒取浮收以圖中飽蓋向日陋規之一也銳偕同志力請於上官方得豁免本處附近大小村落無慮十處有急難事悉委銳銳一切任之不辭千回百折卒如人人所欲爲後釀金貸息將設義塾惠寒峻惜志未竟而歿

本採訪
冊纂

張和之字仲甫關屯恩貢生光緒十年與李馬台恩貢楊松雲監生范景舜在知縣逢任內控車馬局勒漢糊捐事經年餘方得撤銷民國元年張充本社社長兼保衛團團長以辦事公允又蒙縣長郭之炎頒狀嘉獎云

本採訪
冊纂

朱采臣以字行監生光緒三年任蘭儀河口轉運六陳局長歲荒旱擇隣里老弱給以路費就食他鄉壯者給以資本運糧於河北平價出售或周濟貧困不責償還感其情者贈以德溢梓鄉匾額後任黃陵社長兼團總因地接直隸近山東河匪出沒無時對內排難解紛以息訟端對外捍禦兩省邊匪在公二十年社內寧謐巡按使田公察其特異獎勵熱心愛國獎狀民國三年年古稀卒於里里人立碑於村之南首以作紀念

本採訪冊纂

張澂字字仙嵐焦啟子生而岐嶷長益端重寡言笑讀書善悟學有根抵不屑爲章句之儒作文理解清真非苟爲炳炳琅琅者弱冠補博士弟子旋即食餼二十人中輒冠其儔乃文章憎命秋闈屢薦不雋卒以明經終焉學優而有師姿故遠近學子樂與之遊生徒著錄者常滿堂而循循善誘隨其才之

封邱縣續志

卷十五

人物略

任恤

二十七

開封新豫印刷所承印

高下學之深淺而爲之教科歲兩試列前茅者強半皆其弟子且熟於掌故練於時勢每一縣令來封遇有緊要公事必要與之磋商咸同間土寇蠭起徧地皆是所在騷擾四民迄無寧日時浙紹駱子木在任澂宇與邊其恆諸紳謁縣君商議修城池集團練購槍械籌款釀金舉石運甓於西郊多壘之秋爲一勞永逸之計用子來之庶民成鉅工於不日庇材鳩工日不暇計厥後長槍會與捻匪兩次到境封城巋然如故非其提倡之力不及此吾封濱臨大河爲南北孔道歷來官兵恆必由之車馬送迎派差時胥吏夤緣爲姦至後雖非兵差亦一律支應小民不堪其苦澂宇憫焉乃聯同人與縣長議立車馬局兵差則支應之非兵者一概謝絕局成而此弊遂除張任局事多年種種興利除弊之事不勝枚舉此其犖犖大者故誌之以示不忘也

本黃蔭枏

爲撰
傳纂

王江字晴波大岸人幼業儒屢試不雋老精岐黃四方因病求醫者絡繹不絕江悉盡心診治不少推諉不僅不受診金拒絕謝儀也每歲又與黃陵集某藥店錢二百千文以作貧困藥資更於病無以養之人助之米麥俾臻康樂因之遐邇感德於其仙遊之日公勒貞珉於通衢以誌芳行云

本採訪
冊纂

民國

衡勤字勉齋大工節孝魏氏子也歲餘失怙與母居養家赤貧無衣食業雖有祖遺灘地若干畝而悉濱黃沙被水冲淹化爲烏有家又有龍鍾膈高之祖母朝夕待養其母魏雖賢而多才終屬女流操勞之事故必親身獨任之衡至性天賦未讀書而自能明理幼而知愛稍長知敬凡少儀內則之所載胥

封邱縣續志

卷十五

人物略

任恤

二十八

開封新豫印刷所承印

能身體而力行之且性好施與因家貧不能從心徒呼負負嗣因灘地閃出日用漸裕而母魏復善居積賢內助不憚勤劬因之財產日廣而夙願可酬矣大工村接黃河柳園官渡往來過客恆信宿其地衡皆待之以禮款之以情數十年未嘗厭倦厥後善譽遠播卽遠地之不相識不知名者亦聞風來投有鄭當時之遺風焉大堤鄰近數村強半多沙灘地離家既遠苦無路徑每逢秋收轉運維艱故野間露積崇墉不能達里衡乃陸續買地幾段作路一條長有數里使鄰村共由至今爲坦途矣連任社長十餘年辦理事務在在妥善閭社悉稱福星後因萑苻不靖移家縣內南街南街之貧黎沾其惠者爭奔走焉生子三長廷傑仲廷俊季廷彥均慷慨好義有父風

本誌行
碑序纂

齊家順字和中縣東齊寨人也素業農性篤實光緒三年千里童童賴其勤身

貿易舉家衣食方足供給厥後益儉田產漸裕然能儉而不吝勤而好施其女弟適羅問孫氏女適東關馬氏均褊貧且早孀兩家人口卒得保全胥家順周濟之力族叔義老無所歸迎養以送終族孫慶運少孤放蕩得其飲食教誨遂以成立又見族屬繁而散處代遠系湮不相親睦也乃提倡修家譜建祠堂以聯族情使向之視若路人者胥敦睦焉且力成私塾培養人才學制既更又改作男女兩校延請名師以期推廣教育俾本處莘莘學子咸沐菁莪作人之化本村逼居沙河兩岸原有舊社植柳河身以禦沙走邇來村東之沙踰河而南臨河數村大受其害家順又倡結小社將沙堆概植荆柘雜木使沙不能移動南原胥成沃壤故一方士庶勒石以表之長子廣玉仍業農急人之急亦如之次子廣彩少篤學師範畢業歷任縣教育會祕書及

封邱縣續志

卷十五

人物略

任恤

二十九

開封新豫印刷所承印

財務會事務主任職

本誌行碑序及齊氏家乘纂

王執中字子允號西山世居邑北劉莊望族也幼而聰穎長益慧敏孝弟克敦於家禮讓見稱於里因寡兄弟讀書未竟納粟入成均厥後洞悉世故熟練人情應事接物無不動中機宜而於地方之利弊民物之休戚益究心焉封邑地瘠民貧而差徭頗重徵收之際釐捐爲分相延成例執中惻然憫之於是約會同志呈控除此陋規備有成案立碑爲誌民國初年停科考興學校然風氣未開四鄉猶落落也執中熱心教育爲本村創立小學俾族黨子弟之秀者皆入其中而師之修金膳費均自任之迄今遞有成效班班可考故其歸窆之辰四鄉親友爲之樹碑褒德云

本誌行碑序纂

謝塘字子鑑陳道人幼沉靜無狂言妄語勤學嗜讀應童子試屢列前茅以科

考停父老弟幼遂兼理家務無意進取設立義塾不受修金使貧寒子弟亦得讀書識字又博覽醫書擇要方配丸散施舍數十年全活甚衆年方強仕倏而溘逝民國十八年鄉里爲樹碑誌德云

本懿行碑序及謝氏家乘纂

徐子鎔字鑠卿清生員工詩賦能文章於經史子集無不鑽研瞭然有獨到之處及清改制鄉里耆舊多持故習攻詰時政子鎔獨審時度勢興學育才後進爲所成就者甚衆民國建元後豫省兵燹數經萑苻蠹起以子鎔聲望素孚鄉黨依爲保障乃立禁約嚴部勒防禦周至閭里賴以安識者多惜其緒餘僅見未獲大展厥抱也邑令鞏霽堂旌其門浙江邵次公贊曰封父之丘實產寶璜豐豐徐公玄德孔彰壯橫經於東序晚禁於粉鄉旣仁且戢有秘其香神遠翬而如在澤趙繚以允長親鑿楹之遺教嗟後昆兮毋忘

錄來稿

封邱縣續志

卷十五

人物略

任恤

三十

開封新豫印刷所承印

王俊三字子傑小魯崗人茂春長子生而敦篤內質直事親能以色養與弟函三友于極篤內行修潔一鄉稱爲善士幼承家學六經四子皆能通曉大義旋以歲試入開封郡庠旣而遊大梁書院益肆力立於古文詞章左國史漢無不窺覽於是文聲藉藉徧一時焉宣統末年迺糾合同人倡辦留橫新善鄉高初兩等小學堂款項絕無純恃人力搯柱俊三任堂長注重中學而科學次之功課完善則生徒鱗集洎其堂弟甲三到校任教員職二十餘年每遇會考或畢業蒙上獎勵獨優省視學批爲豫北模範迨其辭校長而爲神馬社長實心任事不辭勞瘁一意爲社會造福每村莊遇有口角或鬥毆幾至興訟者俱先詣之使評其屈直俊三輒直言不諱孰是孰非詞嚴義正令兩造各無異言而其事遂寢且好獎掖後進樂善不倦同人遇有才德出衆

堪爲師資者必折節與交惟恐交臂失之生一子名連中邑庠生孫三長佩

曾次佩良又次佩成俱小學畢業有德行碑現存該村

本誌行
碑序纂

葛奉先字孝卿城東寺上人性溫和篤孝友弱冠遊泮不斤斤家人生產其教

子弟以孝悌忠信務使文行交脩悉屏澆薄習家居設科不受脩金而教之

未嘗不盡清末任勸學員竭力勸導開辦學堂數處暇則瀏覽時務醫藥書

籍故精岐黃拯人沉痾無算以故戚友戴德樹碑表揚子明倫清庠生民初

任縣議會議長議定糴米公催以蘇民困車馬附款用助學校云

本葛氏
家乘纂

侯錫爵字廷彥世居馬村爲封望族代著厚德道光丁未歲大饑其曾祖建元

貸粟還券豐碑巍然本生祖松及祖傑均太學生以忠厚忍讓世其家父玉

朝武庠生爲社首以辦籌防獎六品銜錫爵早歲由冠軍入邑庠失怙後理

封邱縣續志

卷十五 人物略 任恤

三十一

開封新豫印刷所承印

家政授生徒以端品篤行爲教逮清末業社內舉爲社長縣令委社學董因
提撥五龍庵廟產籌設初級學校宣統辛亥武昌起義匪徒蠱擾馬村毗連
直境爲警尤甚當道委辦守望衆請於官推總社事卽悉心籌查商之各莊
長購槍械查戶口操練旣精盜源以絕是年十二月匪掠光武鎮商肆錫爵
聞警督衆邀獲全勝嗣匪等屢犯村以防堵嚴迄無恙時旣平守望改組縣
令又委爲保衛團團長新款日煩急於星火乃曲爲勸諭一切稅務可緩者
緩之必不可始秉公分任其事盡心蓋已苦矣自爲社長事必躬親皆準人
情持公理一時以細故紛爭者輒就剖白必極力寬解使息訟卽有肯直斥
其非罔不佩服云且秉性方直處事謹慎事親孝持家嚴嗇於奉已豐以待
人爲人謀必忠與人交必信而排難解紛抑強扶弱毅如也長子文波邑廩

生曾任第四區區長三子蓮波邑庠生河南優師畢業曾任本縣第一小學

校長現充沁陽中學教員

本侯氏
家乘纂

楊開瑞字兆祥后河人性慷慨好施與博愛主義原屬素具痛鄉鄙私塾不足以迪青年乃毅然創設國民小學校以作育才之基而鄉民亦便民國八年瘟癘流行勢張甚朝健啖而夕殭斃者累相屬也時其冢嗣眉齡長陽封河務局供職開封卽飛書囑速市藥廣施遠近活人無算九年旱災奇重中貲之家幾不自保楊惻然憂之無何賑糧下施自冬徂春迭次散放災民驟獲異數詫喜交並後知眉齡稟承父意在汴幹旋之效而楊究未嘗以此自足其生平排難解紛恤孤濟衆義行多端不勝枚舉民國十三年紳民爲樹德行碑以誌景仰云

本李時燦爲撰
誌行碑序纂

封邱縣續志

卷十五

人物略

任恤

三十一

開封新豫印刷所承印

張顯珖字珍齋張素莊人性仁慈才明敏少知名弱冠遊洋與伯兄同宅而居親睦雍肅終身無間事親至孝母疾奉侍湯藥三月無怠容外祖母家貧供給衣錢及卒又俱衣棺以葬長妹中年寡而子早夭遺媳孫女家寒柴米一給之設帳授徒不計學費不受脩金後任社長值奉軍過境盡心勞力支車馬牲口悉歸自備衆不受累鄉里恭送公正廉潔望重桑梓匾額報之又創立初級小學一處以培人材辦理完善鄧縣長嘉獎爲模範小學校云

本採

訪册
纂

王信字孚齋小韓邱人幼家貧業農矢勤矢儉漸臻完合然儉而不吝親族有急莫不周濟遇飢饉輒出糧米約貧民分食後之償否在所不計以故親族

感戴恭送德及鄰里匾額

本採
訪

姚鐵允天鵝波人與弟亮異居度日均仗義疏財廣行善舉里人慕其德各勒

貞珉以誌不忘

本採
纂冊

杜長庚黃莊人謙恭忍讓重義輕利鄉里戴德爲懸匾額立碑以揚之

本採訪
冊纂

何沐恩字貢波李莊邑庠生性剛毅識時務視清末人情齟齬實業不興遂創

立學校提倡鑿井改良種植捨藥以救急症挖渠以通水利本其學識作種

種利濟事後皆能收實效是以門人建石作紀念云

本爲立德
教碑序纂

石金鏡字子明石莊人性仁愛學純正曾任縣保衛團總及治安社長關心民

瘼急圖治安城鄉戴德公送素孚衆望匾額現年八十

見採
訪冊

文學

人物略四

清

封邱縣續志

卷十五 人物略 文學

三十三

開封新豫印刷所承印

邊佑字鍾毓封邱名宿也幼沉靜肆力於學經史而外諸子百家無所不讀弱冠舉茂才每科歲兩試輒第一家纂貧士坐茅檐僅可容書史自食餼以後益加刻勵會又逢湯學使案臨奇其文獎以獨榜且曰勉自愛鸞坡視草當讓君冠石渠焉不憶文章憎命棘闈輒鍛諸同人惜之多爲作感遇賦及授徒因材施教不拘一格不數歲門弟子拾餘唾者皆膺選拔登賢書立致通顯而佑仍一編兀坐泊如也生平尚氣節處已待人毅然不苟親故遇之皆改容示敬無敢不尊稍有不善惟恐其知蓋以嚴見憚其素所樹立然也晚以明經司訓榮澤抵任後多士踵於其門俱求看課遂於學署內設講席焉先是榮澤少達人數歲不第後得其教遇秋闈輒雋且不僅一二人於是榮澤有功在作人澤能造士之頌在任七載不可干以私會差役繁重諸生多

告濫派邑宰怒請於佑欲革一二人以抒私憤佑執不可宰銜之偵其短終不可得年八十致仕歸兩目炯炯猶能作細楷嘗語人曰吾以老諸生得薄宦一生事蹟不能備述惟居不愧衾行不愧影尙堪爲子孫留清白耳齋中設書百卷雜以茶鐺藥籠人問其故則曰吾以娛晚景也壁間多格言凡古人善蹟嫩行輒錄之以爲子孫戒喜談文故舊子弟必曲加開導而使之自底於成年九十有一而終

本邊氏家譜纂

何家琪字吟秋天根其別號也傳興子具宿慧負奇氣自爲兒時已矯然異於衆初從父任山左得與王芷庭先生遊博稽羣書下筆數千言立就十三歲厥考歿黃縣任所奉祖父僑於濟寧與齊魯諸名宿講有用之學飲酒賦詩文益恣肆同治時中順天河南兩省副車光緒乙亥登河南賢書計偕入都

封邱縣續志

卷十五 人物略 文學

三十四

開封新豫印刷所承印

春闈報罷因時事維艱惕然於彝倫之攸斲遂絕意仕進不得已就洛陽教諭職以求著書立說爲剝復貞元之計當其官洛陽時作務實篇以勗士子且言君臣之義根於天性讀書人若忘國家尙誰是賴又於古文辭申明義理期於有物有序洛下一時人文蔚起實受其賜俸滿陞汝南教授著講學約規講志聖社規於古文方再三至意其作人之盛更愈於在洛時是以文化所及他邦俊彥莫不想望其丰采孟津許石衡奇士也數百里負笈進詣汝南先生館之學齋許樓款留浹旬縱談古今文藝及修已治人之道循循善誘維詳維盡石衡讀其文擊節稱賞極端形容不盡其美誠得韓歐之奧而入太史公之室也且以賢而不遇抑鬱阨塞磊落不平之氣時露於言外出諸文則有雲淵之妙見之字則有歐褚之精徵諸詩則有蘇陸之逸乃邦

家之光非止閭里之榮也奈何昊天不吊長子愛姬相繼逝世既喪其明又碎厥玉多愁多病之身奚以堪此竟疽發腦後卒於汝南官次惜哉弟子石衡聞變往理其喪並搜輯其著述以計藏之名山傳諸其人其有文十二卷詩十卷駢文一卷質言一卷冷語一卷詩鐘一卷疏碧堂試帖詩一卷古文方論文約指古文三十四品一卷經義擬自宋明人至乾嘉老輩五卷張靜孃花月痕一卷茲古文方已刊除天根文鈔四卷天根詩鈔二卷自刊外餘存

洛陽待刊本省學使王爵生爲之傳其文已列入本志文徵內

本天根文鈔及龍鬚山房

文集
纂

李魯齋以字行李寨增生咸同間屢薦未雋攻苦砥礪學有淵源設帳黃陵每作古文時藝人爭誦之一時蒸起之士如增生趙文源趙文蔚文生郭延祖

封邱縣續志

卷十五

人物略

文學

三十五

開封新豫印刷所承印

翰林院牛東藩皆其及門弟子外此大河南北桃李滿門文風爲之丕振實

魯齋有以開之

本採
訪冊

宋東菑字春農號笠夫縣南街寒士也性穎悟爲文清拔絕俗峭不傷雅麗不失纖應試於小題虛題尤工補學官弟子旋冠軍食餼自是每試輒列前茅但秋闈未雋以明經終焉又工書法初宗鍾王繼師率更中年以後更肆力於松雪筆意蒼勁楷書秀整行草更入能品丐書者戶外踵相接絹牋綾楮堆滿几上近年來有得其片紙隻字者恆寶之且其學有根柢六經四子外四史左國莊騷及魏晉以來之文選詩集無不窺故其爲文不蹈尋常恆徑年近八旬無病而終

本採
訪纂

黃蔭棠字景召燕士長子增生黃蔭枏胞兄也性豪爽才敏捷以庭訓之美弱

冠卽補博士弟子員同治癸酉科以廩生試選拔正場皆列高等及覆試大宗師坐堂監視賦詩一章當面判斷舍取題爲俊鶻撤鞞天欲霜揣摩旣成一矢破的全詩姑無盡述中有句云激昂開倦眼冷淡洗平空惟肖惟妙似有神助大宗師閱畢卽提朱筆連圈甚覺得意選拔之獲實本於此至朝考期不幸以內艱未得赴試屆乙酉又逢選期例當補考又以外艱未與後逢大比昆仲二人同入棘闈以爲前失後得亦正途應爾奈數奇不偶雖經鶚薦而終不獲一雋惜哉以磊落英多之才文章事業見重當時而竟不獲一小試此有心者所扼腕而不能平者也旣以道旣不行於當時卽思傳道於來世發歸與之歎抱裁成之懷設絳帳布春風一時學者遊泮食餼固難枚舉而封祥滑三境之名下土半沾時雨化成之與其弟談經論文疊相折衷

直相月旦有洛下明道伊川遺風然伯氏心氣和平與不擇人似柳下之和仲氏秉性剛直友必正士似伯夷之清仲氏晚年亦涵養逾粹渣滓悉泯明道之目中有妓心中無妓伊川究未嘗不能也吁盛哉後以地方不靖悍匪蠶起吾邑奉令在縣設立守望總會以其素孚衆望舉爲會長義務所迫本非其志爾時年幾八十精力尙強然以公事忙碌應酬分繁竟以勞致疾告歸死長子夢賚字肖說邑庠生次子夢錫字延齡前充本縣政務警察隊長排難解紛人皆以魯仲連呼之門弟子及紳民以黃昆仲品學兼優爲樹

德行德教兩碑

本張鐘爲
撰傳纂

張清源字正本世居城東黃村營其大父義業農有隱德其父學孔業儒以家貧親老棄讀而耕鄉黨稱爲善人清源稟性直諒質實無文飾自少敏而好

學稍長卽從拔貢黃景召先生遊爲文清刻透露無塵腐氣咸謂取清紫如拾芥乃府縣試屢列前茅而遇道考輒鍛羽同人皆扼腕不平而張絕不在意年近而立始博一衿旋食餼宣統元年以恩貢入成均初光緒二三年歲薦饑人相食其祖母與其父猶相繼逝世不欲坐以待斃乃覓食至歸德之永城教讀於廩生李培臺家顧老母在堂慮痛嚙指麥未及熟而卽歸省孰意遊子初還慈病垂危旋抱無涯之戚以哀甚內傷外染時疫累月臥牀不起賴族弟清河左右調護多方醫治方得全愈然命雖存而家徒四壁不得不復理舊業以捄未死之餘生無何館於長垣趙莊蔡宅學生同潤合潤蔡家伯叔昆仲也受業三年同遊泮水東翁素豐待師有禮後撤帳歸室仍懸罄蔡氏二生念師不忘時常命駕來謁或齎粟米或餉泉刀原原而來數十

年如一日清源友教四方所居非一地所主非一家然盡聚相得去相思則平日之待弟子爲若何斷可識已其性素簡默寡交遊惟與張謙光石印川齊會元溫廉泉諸同硯稱莫逆然年悉少於清源故以兄事之而清源亦以弟待諸子後皆成名頭顱皤皤清源猶時呼其名而不字諸子非惟不忤且歡忭承之若恐稍違其意者卽諸家子弟歲時饋遺相對亦如其父兄有易

堂九子遺風焉

本採訪冊纂

鄭貽哲字曉亭縣東四十五里黃陵附生先世居魯之曹縣至其三世祖始遷封爲封人父倫秀業儒嚴正有儀不苟遊戲道光乙未曉亭生七歲入學父卽嘆其生性異常年十二果以制義囿於法律不能闡發經義奧旨遂薄功名不淪流俗甫弱冠遵慈命行商數月無所得乃棄去咸豐五年銅瓦廂決

口黃水滿院猶讀書不輟適有左傳一部漂出乾以日頌其章句審其脈絡
玩其筆墨沉潛反覆玩索有得試之文始覺氣機充暢有沮莫能沮之致年
二十有七繼室杜亡以親老奉養需人乃舌耕於本集以便晨昏門人得其
風雨之化而游泮者多其人年三十五厥考卒哭甚哀資其門人賻助喪葬
始克盡禮以伏處守制卽重修家乘回原籍視事越十餘載以鄉試屢薦不
雋乃歸而著孔文蠡管一卷欲傳其學於來世旣以次子恆若喪乃益絕意
功名著春秋本義十二卷孝經刊誤繼志一卷呈本學訓導樊愷臣愷臣轉
呈汲縣李敏修較正繼著四書大學貫三卷知縣陳戾愷償之爲設義學於
本集以資上達本省學憲徐繼孺見其書題以潛研義理確有心得提升明
道書院因辭不赴欲著某書

自訂年譜此處
損失書名無攷

以目疾止年七十有二猶著樂

記三卷二卷自鈔餘次媳孫董成之生平衣食有節每逢朔望講書必具衣
冠以往岸然道貌睟面盎背遙望之卽知爲道學中人非名利客也次年卒
壽七十有三彌留之際遺囑季子方叔次子妻孫元善當寶存已著遺稿節
儉後事不宜停喪遲葬語畢從容而逝

本其自訂
年譜纂

黃錦字繡齋鶴鳴子性剛直重然諾好負氣當面折人過失一時同人皆樂受
以其言出至誠故無怨者市有酒狂好使酒箕踞嫚罵或有從旁勸之酒狂
仍刺刺不休忽有人大呼曰黃繡齋至矣其人遽嗒然不敢稍作聲唯唯而
去素承家訓好讀書歷寒暑不輟弱冠補博士弟子員旋食餼肄業大梁書
院每欲奮志雲霄以親老不得遂其志乃歸里設皋比教授生徒一時桃李
多出其門其父歸道山後錦卽欲繼父志嘗奮然曰吾父旣歿若不能博一

第以光泉壤何以爲人惜志大而數不偶入棘圍屢蒙鶚薦而終未獲一雋
晚以明經終焉嗣後清廷變法停科甲開學校乃襄知縣黃庭芝訓導樊振
家創立高等小學堂繼又自立初級小學堂培植人才振起文風熱心教育
可知其生平急公好義救災恤貧鄉里慕其德以恩明義美額其門

本張鐘
爲撰傳

纂

甯雲衢字步仙縣東大里薛歲貢幼稟家學卽東身規矩不失繩尺內行修潔
克敦孝弟稍長出就外傳博學無方故得早年遊泮食餼雖文章憎命未獲
捷足青雲然腹笥便便久已籍甚人口無論六經四子皆能提要鉤玄卽下
至地理卜筮飛星六壬之術亦無不旁推交通爲專門所不逮且其性平易
近人與物無忤所以鄉鄰父老親戚故舊於歲時伏臘之會無不誼美而恩

封邱縣續志

卷十五

人物略

文學

三十九

開封新豫印刷所承印

明而野人俗子下吏走徒偶而相遇亦必接之以禮溫溫乎惟恐傷之是以
人無論智愚識與不識對之皆肅然起敬頓消其不肖之心蓋夙昔之所樹
立者然也至於設科一節則又因材而篤循循善誘士之登其堂者每試輒
列前茅故門下濟濟吾邑稱最其生平讀書以師友爲性命與黃景召焦調
南稱莫逆交每逢花朝月夜三人說詩聯牀令人聽之娓娓忘倦焉常談及
宋儒蜀洛之黨謂程與蘇皆君子而意見枘鑿乃解云風流道學其流不同
故見各異耳晚年愈整勅清嗜慾樂邃養志甘林下不慕榮利宣統元年被
舉爲縣議員堅辭不就家居令孫曾執卷咿唔其側則欣然喜蓋以平日所
樂者在此壽八十有五鄉人嘉其懿行樹碑誌德並以品學兼優額其門云

本黃蔭柎爲
撰懿行碑纂

張謙光字遜卿縣內邊胡同人幼穎悟長就外傳六經四子過目成誦從本縣黃景召遊時年十有七與同學諸生昕夕切劘相得甚歡無何補博士弟子旋即食餼二十人中每試冠其羣友教四方所在弟子濟濟盈庭師生之際情誼靄如一相從終身服膺不倦其德意之感人有如此者又工書法筆力適勁一落紙動爲人取去閤邑匾額屏帳率出其手故遠近求書者戶外之履長滿光緒甲辰年僅六十有六壽終長子金波廩膳生能承家學

本探訪纂

張國棠字芾軒一號守拙封邱績學士也以諸生設教授徒終其身及之者敬之聞之者仰之非有奇節異行而篤行守道不苟進取自以爲拙與世無爭忤此已爲常人所難能矣家貧世業儒父子清尤嗜讀書有子五國棠其仲生性純篤承先志好學補博士弟子員卽課大梁書院有聲於時適有清遜

封邱縣續志

卷十五 人物略 文學

四十

開封新豫印刷所承印

政遂歸里以教讀爲饘粥謀先後應本縣邊氏高氏吳氏及滑邑何氏汲縣李敏修經正書社國文長教之聘在本縣創立職業學校所至不計聘金重道義循循善誘故門下多知名士咸爲世用此亦隱居求志者之所樂者乎且其事親孝兄弟無間言持身嚴正片紙不入公門居家無私積親丁數十口雍睦一堂爲鄉里望子弟因才習商事畊讀無失業者處世以凡事退一步想垂爲良箴尤素欽曾文正書蔬肉魚早掃考寶之訓遵爲治家法民國十九年歲五十有九逝世

本田文荃撰傳纂

賈書山字西菴陶北人幼篤學弱冠列庠以困於秋闈設帳四十餘年誨人不倦成就後學綦多生性寬和與人從無睚眦民國二十年地方萑苻不靖被盜擄去至里許聞其聲音盜曰此西菴先生也不宜相犯曷速送還勿使受

驚其感化強暴諸多類是又博覽羣書年七十餘手不釋卷所著有聞見隨

筆六册爲衆所欣賞

本採訪
册纂

封邱縣續志

卷十五 人物略 文學

四十一

開封新豫印刷所承印